

سر محرر: شهیندر زاده فلهلی
احمد حلمی

محل اداره سی:

جفال اوغلنده « حکمت » اداره خانه سیدر .

حقه مقرون، اعتراضدن سالم افکار ومقاله صحیفه لر منن آچقدرد.

نشری تاریخندن اون کون کجمن نسخه لر ایکی غرغروشدرد .

«HIKMET»

J Journal ture, quotidienet politique

DIRECTEUR-PROPRIETAIRE:

A. HILMY CHEHBENDER

نسخه سی: ۱۰ پاره در

حقیقته خادم یومی غزیه در

نسخه سی: ۱۰ پاره در



اداره مدیری: فلهلی
محمد زهنی

اشترا بدلی:

برسنه لکی ۹۵، آلی آیلنی ۵۴ غروشدرد .

پوسته اتحادینه داخل ممالک اجنبیه ایچون قرق فراقتدر.

اعلانات ایچون اداره مدیریه کوروشمک لازمدر .

ABONNEMENT

un an : 95 piastres et six mois 54 p.

Union postale: un an, 40, six moi, 25 Fr.

Rédaction: Constantinople, Djagal oglou

عالم اسلامک پروتستوسی

علم انسانیتک، باخاصه مدنی انسانیتک و فرائضک

انظار عبرت ونصفتنه

بز مسلمانلر، وطنمزه بزمله برابر یاشایان غیرمسلم انسانلری، بوتون صمیمیتمله، وطن وانسانیت قارداشی بیلوروز. دین مینمزه بزه امر ایتدیکي اخوسوت عامه انسانیهی، رهبر نجات وعلویت طانیور وغیرمسلم وطنداشلمزه قارشى الك کرم حسلرله مجهز بولونیوروز. مملکتیمزه پوکون خرسستیانلره قارشى سلاح تعصب وعداوتله مجهز بر مسلمان یوقدر. خرسیتان اولدینی ایچون حیات وشرقه سوء قصد ایدلش برفرد کوستریله من. ایشته حقمنزیره تعصب واریادقله اتمام ایدیلرلى مواد حکمکنمه کین بز مسلمانلر، چتهلرله بومباجیلرله، وحشیلرله مشارکتی کوردیکمز غیرمسلم وطنداشاشلمزه موجودیتنه رغماً، فعلی ثابت اولانلردن ماعداسنه نه قولاً و نه فعلاً هیچ بردشمنلک وغدغدارلق کوسترمورکن: وحشی، آلاق جنوب اسلاولری کندیلرینه مضرت ایقاعاندن تماماً عاجز وحيات سیاسیه وفعالیت اجتماعیدن محروم مسلمان تبعه لرینی، قودورمش حیوانانلر افراس ووحشتیه قتل عام ایدینیورلر، کویلری بیقیورلر، عرض وشرقلرینه تجاوزه ایلوبوبورلر. نیچون؟ زیرا بوزوالیلر مسلماندر. ایشته قباحلری.

مسلمان صفی، بو وحشی متعصبلرک حکم ایتدیکي مملکتلرلرده حق حیاته مغایر صاییلور. مسلمانک قانی وناموسی بلا سبب هدر ایدیلور.

ای مدینت پیشوالری، ای انسانلق رهبرلری!

بو جنایتلر، بو دناشتر، ایشته سزک نظر ومعلوماتکنز آلتلنده جریان ایلور. قویون سورسی قدر مظلوم وسلاحمنز مسلمانلر، سفیرلرکیزلرک، قونسولسریکیزلرک مشاهدہ سی آلتلنده، کوزلری او کتنده، بیک درلو حقارتلرله بوغازلانیور. ای مدینت حامیلری!

بو حاله راضی اولاجقمیسکیز؟ دین قارداشلمزى قودورمش بولغارلرک، ناموسسز، آلاق وملعون جنوارلرک قانی بجهمی آلتلنده براقققمیسکیز؟ سوبله یکیز: بوحال، مشروعی در؟ بزه خبرویریکز مدینت بومی در؟ بوتون مسلمانلر، بو وحشتلری کال نفرت وشدتله پروتستو ایدلرک دین قارداشلمزى ک حقمنز وسببسز یره تعصب ووحشته قربان ایتدیریلهمه سی مع معظم دولتلردن، مدنی ملتلردن استرحام ایدر. شوراسی ده لسان حال ایله درمیان ایلرک:

چاره سزک حالنده مقابله مشروع و«البادی اداظم» مشهورور.

«هیت حکمت»

مباحثه

بالقان ملتلرینک تورکیاده کی تشکیلا داخایله لر

حکومت وملتک نظر حیثیه

وطنک تهلکیه معروض قالدینی صیرالده، دور اندیشانه تراکتلرله حقیقی صاقلامق دوغری برفکر دکلدر. بالقان ملتلی، کندیلرینی کیروب دوران برخیالیال مهلکک سوق وامرینه قارشى دورامباروق عثمانیلرله هجوم ایدییورلر. بومتلر، میدان محاربه لرله لر قدرده، مملکتیمز داخاندکی تشکیلات خفیه واختلالیه لرینه اهمیت ویریورلر وبولردن چوقوق بویوک خدمتار بکلیورلر.

بولغارلرک اون کوندن بری کوریلن دنات ووحشتلری، نه قدر قانی وشدید برحاربه نک عرفه وقوعنده اولدیغیزی بزه کوستریور.

علی العاده زمانلرده، حکومتک کوزی اوکنده، بولغارلرلرک آتدینی بومبار، دوکدیکي قانلر، هر کونلک وقوعات درجه سی بولدی. بالقان ملتلرینک تشکیلات حقیقلری، قومیتلری، تبعه مزدن قاندردقلری طرفدارلری مهم، کثیر وفدا کاردر. مح. محاربه باشلار باشلاماز، اولنرده هرچه باد آباد دییهرک فعالیتله باشلایه جقلدر.

حکومت، هر نه یاپوب یامالی، بالقان قومیتلرینک داخلا برادر برفعالیت کوستره بیلمه سنه مانع اولمالی در. اگر بالقان قومیتلری، فعالیت ودناشه امکان بوگورلوگورلرسه، اگر کنجلیری حربه کیده جک اختیارلرله، چو جقلرله، قانینلرله مسکون قالاجق معم معموره لره بومبار آتارلر. نقلیات عسکره بی کویلر معاوتیه خللدار ایدرلرسه، حصوله کله جک نک نتیجه، اولن ایچون مدهش اولور. دینامیه، مدینت قاهره نک بوقانجیق سلاخه قارشى مدافعه نفس امکاتى بولامایان صادق عثمانیلر، باس واضطرار نتیجه سنده، وطنداشانی طامیان جنوارلرلرله بالطبع انسان نظریله باقامایاجق واولنری احماد باشقا چاره سلامت بولامایاجق در.

بولغارلر، عثمانیلری عالم نظرلنده خونخوار کوسترمک ایچون بچون هر دناشی یامغه حاضر درلر. اولنره کوره بش اون بیک ملتداش فدا ایتک ایشدن بیله دکلدر کلدر.

پوکون بوتون عالم مدینت، بولغار آلاقلرینک کندی تبعه لرندن اولان مسلمانلری، هیچ برسیبه مستند اولمایه رق، قتل عامه باشلادیق کوریور، کوریور ووصویور.

لکن حتی اهانت ورداشلری مقابلی اولارق بیله اوج دانه صرب ویا بولغار تلف ایدیلسه درحال برنس دوساقس ویاخود مبعوث قرامارج، ناقوس تعصب وطر فکیری کبی چالغه باشلارلر. دنیا تعصب اسلامی ولوله سیله دولار.

بالقان حکومتلرینک شو بایان قورنازلقلری شیمدی به قدر پاره ایتدی، بلکه بوندن صوکراده پاره ایدر.

بالقان حکومتلری، علمیزه برحاربه ایچون اتساق ایتزدن اقدام، تشکیلات داخیللری، توحید آمال ایتش وبرلکده چالشمغه قرار ویرمشلردی.

بالقان حکومتلری، ناصلکه آلرتدن کانی یامغه قرار ویرمشلرله، داخلی قومیتلرده اویله جه هر ممکن اولانی یایه جقلدر.

بزه دوشن وظیفه ایسه اولنری قانلق وقارغشلق ایقاعندن منع ایتک در. دشمنک بیانی معلوم اولونجه چاره لرینی بولقوده قولایلاشیر. دشمنک هیچ برحیلنه میدان وامکان ویرمه مک، بزم ایچون بک مهم بروطفه در.

شهیندر زاده فلهلی

احمد حلمی

ناظر افغانیه

آرناودلر

اسکوب ۳ تشرین اول — اون بش یاشندن یتش بش یاشنه قدر اولان شالی آرناودلر وطن عثمانیک مدافعه سی ضمنتده (بسا) عینی اجرا ایتکده. درلر. محاربه لهنده عظیم برغایل حکمفرما در. اپیک، کیلان، یاقومده نمایات جنگجویانه مشاهده اولنقدده در.

حکومتجه تدابیر لازمه عسکریه توسل ایتلکده در. محاربه خیری اوزرینه آرناودلنقه حصوله کان تظاهرات شایان حیرت در. — عثمانی — پارس ۳ — منابع سیاسیه دن استخبار ایلدیکه کوره بالقان حکومتلری اوگزده کی بازار ایرتسی کونی باب عالی به محاربه اولتیاوی وبره جکلدر.

ما کدونیانک مختاری

بکرش ۳ — خارجیه نظارتک تبلیغانه نظراً بالقان حکومتلری سفیرلری باب عالی به مشترک برنوطه ویره رک ما کدونیانک واسکی صربستانک اوج کون طرفنده مختاری طلب ایده جکلدر.

آژانس

صوفیه ۳ تشرین اول (تیکیمشدر) فله اهالی اسلامیه سنه قارشى تجاوزات وقوع بولدیغنه و عثمانی شهیندری ایله شهیندرخان مأمورینک صربلر طرفندن دوچار تعرض اولندیغنه دائر اولان حواتلر رسا تکذیب اولنقدده در.

بالعکس، تحشیدات اوزرینه حصوله کان فوق العاده هیجانه رغماً بلغار اهالیسی هیچ برطرفده تشببات تعرضکارانه ده بولوغه مشدر.

(قسططوبیل)

صوفیه ۴ (رازلق) (جمعبالا) در (روچبور) ده مواقع عثمانیه اوزرینه بلغارلر طرفندن هجوم اجرا ایدیلکینه دائر استانبولدن وارد اولان حوادث صورت قطعیه ده تکذیب اولنقدده در.

شون محمد

سلاملق رسم عالمی

عثمانیلرک اب مشفق، سوکیلی پادشاهمز پوکون ییسلدیزه کائن حیدیه جامع شریفنده صلاه جمعنی ادا ایشلدر در.

ذات حضرت پادشاهی سرای هایون ملو. کانه دن عزیمتله جامعه مواسلت هایونلرنده شیخ الاسلام جمال الدین اقدی حضرتلریله اوقاف هایون ناظرلی محمد فوزی پاشا طرفندن استقبال ایشلدر در.

ذات حضرت پادشاهی ادای صلاتدن صکره حربیه ناظرلی ناظم پاشا وشرق وغرب اردولری قوماندانلری ایله مشیر عثمان پاشا حضور پادشاهی به قبول اولتیش وپولیس مدیر عمومسی واصف بکده التفات جهاندراجات خلافتنهای ایله بکام بیورلشدر بعده ذات حضرت پادشاهی طولمه ناچیه سرای هایونه عزیمت بیورمشلدر در.

ملاقات

آلمانیا سفیری

آلمانیا سفیری، وانکنهایم اولکی صبحاح خارجیه ناظرلی نواردونکیان اقدینک قوتقلرینه عزیمتله اوزون برملاقات ایتمشدر.

سفیر مشارالیه انهای ملاقاتده اخیر آلقانلر سیاسائنده حصوله کلن بعض تبدلات ایمنه دن طولانی بیان تأسف ایش و آلمان حکومتک مسائل حاضره حقدکه نقطه نظرینی بیان ایشدر.

بارون وانکنهایم دون کامل پاشا ایله ملاقات ایتمشدر.

*

بغداد والیسی مشیر ذکی پاشا حضرتلری مأموریت جدیده سنه عزیمت ایده چکی جهته وداعلاشقی اوزره دون دائره حربیه کلش ایسه ده ناظم پاشا سرای هایونده بولندیغندن مستشار پاشا ایله کورشمشلدر در.

*

ویانه ارمنی آقاده می رئیس سرلیس بقوس غوورلیق اقدی آوستریا سفیری ایله ملاقات ایتمشدر.

تعیین

سلانیک پولیس مدیریتنه تعیین قلان صالح بک دونکی ترانه سلانیکه کیتمشدر.

—

قونفرانس اولیه جق

مشکلات وغوائل حاضره نک حل وارامسی ضمنتده بین الملل برقوقفرانس عقد ایدیلکینه دائر بعض محافل اجنبیه ده شایعات دوران ایتکده ایسه ده حکومت عثمانیه نک اوتهدنبرو تعقب ایتدیکي مملک مخصوص مقتضایه جه قطعاً بویکی تصورات وتنبئاته التفات ایتیه چکی خبر ایتمشدر.

انظار ملت

بر رؤیا

یاوز سلطان سایمیزله،

علامه مولانا علی آراسنده برمحاوره

سلطان سایم

مولانا! ایشته عدالتک مقابلی... ایشته صر و نک اجرتی! بز قوتلی ایکن، وجدانلر منده کی حق، اوقوتی قیرمش ایدی... شمدی شوالچاقلرک حقمنز وجدانلرنده، کین وغیضدن باشقا برشی یوق... باقی: آلرینه مودوع زواللی ملتداشلمزنی بوغازلیورلر. بو قوتی کیم قیراجق؟

مولانا علی

پادشاهم! ملتک انتباهی. ملتک انتباهی بو وحشی قوتلری قیراجق...

سلطان سایم

لکن، مولانا، بوانتبهانه نه وقت فلهه جیقاچق؟ بوقدر مصیبت، امللری برلشدر. میور. حالا ملت بریشان...

مولانا علی

پادشاهم! زمان هر شئی یاپار. مصیبت، ذریعه انتباهی کدی، اونی زمان پیشدیره جک در.

سلطان سایم

مولانا! کاشکی بکا مانع اولماسایدک! بنم دیده بصیرتم، بو احوالی کوریوردی... بن...

مولانا علی

پادشاهم! فکر یکیز عالی، لکن وساطلرکیز یا کلش ایدی. سز فکره قهر ایله، جبر ایله تصرف ایتک ایستییوردیکیز. حالبوکه، پادشاهم فکرک غداسی قهردر. آه کاشکی عربکیز وفا ایتسهیدی ده قلعجکیزله باشلادیغکیزی عدل ولطفکیزله ا کال ایتسهیدیکیز!

سلطان سایم

لکن مولانا! بوجنوارلر، سلاحمنز معصوملری ده کسبیورلر، بونلر، عاجزلری اولدیریورلر، بونلر قادیسلری، اختارلری دوغریا یورلر....

مولانا علی

مولا شهیدلره رحمت، ملعون قاتلرله لعنت ایستین! پادشاهم! بوظلملر، امین اولکیز، انتباه ملی نالانلیریر. بوقانلر، انتقام فریادیه ملتک صباخ حیثیتی دولدیریور. پادشاهم! و قتلر یقین...

سلطان سایم

[آلرینی آچارق]

رجم! یتیشیر، غیری بوذات وسفالت،

تشکرات بی نهایتمن

دون متبغدن عودت ایدن بیکرله وطندار. نسلرمن، «حکمت» مطبعه سنک اوکنده توقضاله ملت خدمتکاری جریده منی مدید آلتیشلرله تطیب ایتمشلدر در.

مع التأسف، سر محررمن مطبعه ده بولونما دیغندن بو قیمتی التفاتره شفاهی تشکرلرینی تقبیمه موفق اولامامشدر. بوندن دولانی فوق الحد متاثر اولش ایسه ده بوقیمتدار توجهات الی الابد خاطره شکراننده منقوش قالاجقدرد.

پامال اولوبور ، دشمن بی‌عاره بوملت .
ویرمکنکه ، دشمنه بخش ایله‌مه نصرت ،
مودوع سکا ، ای رب حفیظه شانی خلافت .
[انفعال ایله ، کریمه باقارق]
قوتی ایکن ، عدلی اونونماز ایدی اسلاف ،
بیکسره ایله ایدی ابدال مروت !
بیکساری کورمن چیقاسی کوزلرک اصلا ،
ای قوتی تحیل ایدن الحاق مدیت !
[دوشونهرک]
ای دهر دنی ، دشمن اسلام می ، نسیک سن ؟
ایشدک اوکا تسلیط رخاوت وجهالت .
لکن ، سکا ای قجه بویون ا کیهجک در ،
یوق ، یوق اولور ، الحاق اولاماز کتله امت .
[ملته توجله]
آرتق بئشیر ، دغدغه حرص و تخلف ،
دشمن وار ایکن قالمالی هر دورلو رقابت ،
ای شانی اوغولر ! یتشک ، مادده امداد ،
امداد ایدیکز تا ایدد الله سزه نصرت .
محکوم پاشاماز ، آرسان زنجیرده طوتولماز ،
طاقاز ، آر اولان بویته زنجیر اسارت .
از دهمیر
ناظم پاشانک عموم قوماندانلی درعهده
ایتدیکي تحقق ایدیور .
حرب اعلان ایدیلنجه بوتون روم ایلی
اردوسنک قوماندانلغی حربیه نظاری ناظم
پاشا حضر تارینک درعهده ایله جکی محقق اولدینی
مستخبرات موثوقه من دندر .
غلیان ملی عثمانی
متینقلر
استانبول شهرینک اوج بش کوندیری
کچوردیکی غلیان شایان افتخار بر درجه‌دهدر .
وطن ایچون قویان شو فریاد ملت حقیقه
شانی تاریخمز ایچون بر وقعه مفخرتردر .
غالیبت حرارتیه صوامش اولان بومعظم
عشتم ملت ، هر زمان عثمانلرک احقادی ، شجاعت
وحاست نمونه‌سی اولدقلری پک کوزل اثبات
ایتمکدهدر . حریت و اشلاف فرقه‌سی ایله
معلوم اساس ذوات طرفدن ترتیب ایدیلان .
« متینغ » بوسباح ساعت زوالی اوندده
سلطان احمدده اجرا ایدلشددر . بیکلرجه
وطنرووان تعیین اولان ساعتده سلطان احمد
شایان اولشددر . غلبه‌لک پک زیاده ایدی .
اولاه صباح رفیقملرک سر محرری دیران کلکیان
اقدینک نطقیه باشلایان سلسله خطایات
وطنرووانی دیکله‌شددر سینوب مبعوث اسبقی
رضانور پک عثمانلرک شجاعت وقوتندن آتشی
برلسانه بحث ایتش و دیگر خطای کرامده بربر
اداره کلام ایتش ، حاضرین بو وطنرورلری
حار و صمیمی نظرلری آتیشلا مشدر متینغ هیئت
طرفندن اتخاذ ایدیلان مقررات تصوب عمومیه
اقتران ایتدکن صکره هیئت طوغریجه بیلدیزه
کیتملشددر . بعد انکلترة سفارتخانه‌سی اوکندده
برنایش اجرا ایدلشددر .
متینغ هیئت ملتنک حرب ایستدیکي
وسائر صورتله ائتلافک قبول ایدیلهمه‌جکی
ذات حضرت پادشاهی به عرض ایله‌جکدر .
اتحاد و ترقی فرقه‌سی طرفندن ترتیب
ایدیلان متینغه دون زوالی ساعت ایکده اجرا
ایدلشددر .
مذکور متینغه اشتراک ایتک اوزره خلق
قافله قافله لارنده باقارلر اوکلرنده داوولار
اولدینی حالدده سلطان احمد میدانده کلشدر .
رنکا رنک ریاات ایله دونادیلان موقع خطابه
اولا علمدان سینوب مبعوث سابق حسن فهمی
افندی کلدی .
بلیغ بردعان صکره دارالفنون حقوق
فا کولته‌سی حقوق اساسیه معلمی و دعوی ویکلری
جمیعی رئیس محترم جلال‌الدین عارف پک حاضر و نیک
سورکی القشاری آره‌سنده سوزده باشلادی
حار و صمیمی افاده لرندن صکره موقعی اعیان
بساربا افندی به ترک ایتدی . موسی‌الهی عبدالله
افندی ودها دیگر خطابه تعقیب ایدرک متینغه
نهایت ویرلدی .

یونانستان وه نیزه لوس

و غلط حس ورؤیت

شیمدی به قدر داهی دنیله‌جک برصورتده
ابراز کیاست ایجتی اولان یونان باش ویکلی
وه نیزه لوس ک ایلمک دفعه اولارق غلط حس ورؤیت
کوستردیکی مشهور اولوبور .
بالقان حکومتارینک تورکیا اوزره‌رنده بربرینه
ممالک املری وارسه‌ده منفعتلری ، وضعیتلری
متساوی دکدر .
یونانلرله هم نسل اولان عثمانی روملری
مماللا عثمانیه‌نک هر طرفه داغیلشددر . اولرک
منفعتلری روم ایلی‌نک فلان و یافلان نقطه‌سنده
دکل ، بوتون عثمانی مملکتدهدر . بنابرین
بو خصوصده بولغارلرله ، صربلرله قابل قیاس
دکدرلر .
لکن قیاس سزلق ، دیگر بر نقطه‌ده دها
جلی صورتله کوردیلر . یونانستان ، ارناوود
ملیتپرورلکنک احباسندن اول ، یانیه اوزرنده
بر امل و امید بسله‌یه بیلردی . حالبوکه‌بوندن
نفوسجه یونانلرله جوق فائق اولان ارناوودلرک
وطنلری قولایلقه یونانلرله قاندرمایه‌جقلری
میداندهدر .
شوراسیه‌ده وارکه اسلاو و یونان عنصری ،
تهور و جنت ساقه‌سبله بر آن برلشسه بیله ،
بو اتقاق اوزون مدت دوام ایدهمز . یونان
عنصرینک عد و اکبری اسلاوودر . بنابرین
یونانستان ، تورکلرله پادار اولور . وه نیزه لوس
کچي مقتدر برسیایک بورالری ملاحظه‌ایتمه
مه‌سی غیر قابل ایکن بالقان اتقاقته کیرمه‌سی
مطلقا بر سبب ابستر .
بو سبب ، جزایر بحر سفیدک استیلاسی
املی اولق لازم . لکن بونک ایچون یونانستانک
هر حالده برآده غلبه‌سی لازم . زیرا دونامای نرم
دونامانه فائق اولسه بیلله مملکتی عثمانی
اردوسنک استیلاسی آتنده قالدقجه بوقوتندن
برشی چیقماز معافیه یونانستانک برصاعدن
کری حرکتیه بولغارلری یلکزر باقارلری دائما
محتملدر . هله کوردم .
دشمنک تجاوزی احتمال لرندن بری
استانبولک منظره‌سی و افکار عمومی من
دون ، بوتون کون ، بیکلرله‌هالی ، سواقلری
دولاشمده و چهره‌لرده تورابتسام و اخوت
پارلامنده ایدی .
برقاج کوند ، سیاسی اشتغالک و بردیکی
کدورتلر ، عثمانی سیارنده کورولوبور . وطنک
معروض اولدینی تهلمک قارشینده حقیقی عثمانلر
یالکیز بر حسن ایله متحس اولدقلری کورس-
بیورلردی :
مدافعه وطن .
محرر لر مردن برینی ، خلقک ایچنده
دولاشمغه و افکار و احساساتی اقطاع ایتکه
مأمور ایله‌دک . بعض مسموعاتی بروجه‌آنی
یازیورز :
صربلر کیم ؟
برحال — صرب کیم ؟
برازناد — موره ، صرب ... قورقاق ،
برحریرف .
بولغارلرله حرب
— بولغارلر نه‌یه حرب ایدم‌جکلر ؟
— وطنمک بعض پارچهلری اونوتدقده ...
کیدوب کوردم ، اونونمازم دیه !
کوکلی
— محاربه‌یه کوکلی کیده‌جکسکز ها ؟
— یا کوکلسزی کیدرم صانیوردک !
پاره نرهدن بولا جفز ؟
— محاربه ایچون جوق پاره لازم . بیلیم
ناصل ایدم‌جکز .
— یاوم ، جوق پاره ایله هرکس محاربه
ییار ، بز ، آزاره ایله جور باجیلری تپله‌رز .
یونانی دوستلرمز
— جام یونانه نمایدق که ؟
— باطالانغه آلیشدی . اوج بش سنه‌ده
برکره دایاق ییمسه اولمیور .

عثمانی - ایستایا عربی

عقد مصالحه

ویانه ۲ تشرین اول (عثمانی شهر لوندده
خصوصی تلغرافنامه) دوران ایدن برشایعه‌یه
نظراً مصالحه پک یقینده عقد ایدیلهمه‌جکدر .
موسیو کیدرلن و مخترک بیاناتی
رلین ۲ تشرین اول (عثمانی شهر لوندده
خصوصی تلغرافنامه) موسیو دی کیدرلن و مختر
تبدلات اراضی وقوعته دول معظمه‌نک موافقت
ایتمه‌جکئی بیان ایشدر . ولوکه حراز مظفریت
اولنسه بیلله هیچ بر قطعه ارضه مالک اولهمه
جقلری کیفیتی بالقان دولترینک تمایلات حر-
بجوانانه‌سی تسکین ایشدر . بالقان دولترینک
متحداً اعلان حرب ایتمی غیر مأمول عید
اولتمقددر .
روما ۲ ایلول (عثمانی شهر لوندده
تلغرافنامه) اوشیده عقد مصالحه ضمیمه
صوک اجتماعک عقد اولندینی جورناله دیتالیا
غزته‌سی ظن ایتهمکدهدر . بالقان اختلافک
امر ازاله‌سنده دول معظمه‌جه وقوع بولان
تشیاته ایستایانک اشتراکی کیفیتی استانبولده
حسن تأثیر حصوله کتیرمشدر .
ایتالیا ردوسی ایسته‌بور
ایتالیانک ردوس و آستروپالیا آطه‌لری
آیقویتمغه اصرار ایتهمکده اولدینی ویانه‌دن
قارش غزته‌لره اشعار ایدیورلر .
بلغارستانک مالی‌سی
بلغارستانک اوروپا پیاسه‌سندن استقراض
ایتمک خصوصنده‌کی تشبیهه موفق اولدینی
ایچون بلغار باققلری (قرمده‌ی) نیکه‌رک
سرمایه‌لری بلغارستانک مصارفات عسکریمه‌سنه
تخصیص ایتکه قرار ویرمشدر .
یاشاسین آرناوودلر
ویانه‌دن تاخیدرو موس غزته‌سنه دون اقسام
وارد اولان خصوصی برتلغرافنامه‌ده شویله
دنیلبور : اشقودردن وارد اولان خبرله کوره
دشمنه قارشو حرکت ایتک اوزره شهرمذ کورده
آرناوودلردن اونوزیک کوکلی قیدایلدلشددر .
قاراداغلی
— داغیلر وحشی برشی ایش .
— آتی‌کی . داغنده اولدقجه خوموردانیر
لکن اوویه اینسه ، بورنه خلنه‌نی طاقارلر .
آوسترایانک اقتصادیاتی
ویانه‌دن آمرولیتوس غزته‌سنه بیلدرلدیکنه
کوره بالقان احوال حاضره‌سندن دولانی
آوستریایی بربحران اقتصادی تهدید ایتهمکدهدر .
سفارتخانه‌لر محافظه‌ده
بالقان حکومتنک سفارتخانه‌لری پولیسلر
طرفندن محافظه ایدلکدهدر . بزجه بوتدیرمه
لرزم یوق ایدی . حدودده دشمنله ضرب و حری
بربارنجه عد ایدن عثمانلر مسافر لرینه‌ده عدم
تحقیر و تجاوزی تربیه‌ملیه عثمانیه‌لری اقتضاسندن
عد ایدرلر .
آزادامارد (غزته‌سنه بتلیسدن کشیده
اولشان برتلغرافنامه‌ده بتلیسه تابع خیزانده
آغوب و مانول اسمنده ایکی ارمینک قتل
اولدینی بیلدرلمکدهدر .
اشقیادن موسی پک ارمی معتبراتی تهدید
ایتهمکدهدر بدرخان زاده حسین پاشا کردستان
شیخاری نامه‌ه‌الی به قارش اعتسافانده
بولتمقددر .

طمر اش مصادمه‌سی

عسا کر عثمانیه‌ایله بلغار چته‌لری آراسنده
طمر اشده بر مصادمه وقوعوله‌رق ، عسا کر
عثانیه طرفندن وقوعوبولان شدتی بر صولت
اوزرینه بر جوق تلفات بر اقره‌رق جمله‌سی‌ده
منه‌زما فرار ایتشدرلر .
حکمت « جریده‌سی‌نک همت توسطیله
عروس‌ی پک افندی‌یه
پک افندی ،
(حکمت) غزته‌سنک ۳۶ نومرولی نسخه
سنه درج ایدیلن جوابک زرنده‌کی آوزون
مطالعه‌کزی آنجق شیمدی کوروب او قویه‌بیلدم .
مکتوبم وسرک مطالعه‌کز ، اورپاده بولندیم
زمانده انتشار ایتش و اورپاده آدرسه‌کوندریلن
مذکور نسخه‌له واصل اولمازدن اول حرکت
ایدلش اولدیندن جوابک تأخیری ضروری
اولدی . اولا ، جوابنامه‌نک خاتمه‌سی اولان
« ودر دین رهنم بنیست خطا
چه کم این خطا صواب مشتمت »
یتک اوستنده‌کی سطر « بن در ستان دیش
ودرشت کوم » اولدینی حالدده « بن در دست
اندیش ودرشت کوم » صورتده ترتیب ایدلشددر .
تصحیح ایدلسنی تمی ایدهم .
مقاله‌کزی عندالتحلیل شو ایکی ماده‌یه
ارجاع ایدیورم :
۱ نخیسی خلقک سویه‌ ادرا کنه کوره
یوکسک ودرین اولان مباحثه‌لر و بیان لرتهمکده-
لی در . مطالعات علمیه و فلسفیه « اکثریتک
قبول ایتدیکي فکرله استاد » ایتهمی‌در . بویله
اولدینی بر نوع « کتمان » ه [سزک تعبیر-
کزددر] ده مراجعت ایدلدیکي حالدده مباحثات
و مناقشات فلسفیه ویا دینیته‌نک ویره‌جکی میوه
بر هجوم عمومی وبلکه بر بغض عمومی اولور .
فکرنده بولوما کز .
۲ نخیسی : ه الله فرد دکل افراد واکوانک
هپ‌ی‌در « یولنده‌کی مطالعه‌می فلسفه نقطه
نظرندن پک یا کلس بولدیفکزددر .
برنجی ماده‌نک حیات عملیه تعلقی پک
زیاده‌در . ایکنجه ماده حقیقه‌کی مداوله افکار
تعبیر جائز ایسه ، فلسفه اقلیمنده بر کشت
و کذار فکری ایله‌پایان بولورکه نمره‌سی آنجق
بر آز ادمان دماغی ایله پک جوق تعب دماغ
اولاجاقدر . وطنمز مباحث عملیه‌یه ، یعنی
دوغرودن دوغری‌یه حیات اجتماعیمز اوزرنده
عملی بر تأثیر مفید اجرا ایدم‌جک مباحثه محتاج
اولدیندن ایکنجه بحثی تأخیر ایدیورم ، برنجی
بحثی آله آیوم .
اون بش یکریمی سنهدر ، امور سیاسییه
ودینه‌ده تجدد و تصفیه‌یه واران هر تشبیه‌ده
چهرمه جاریلان شو سوزلر اولدی .
« کوالا‌الناس علی قدر عقولهم ! » بو فکرلری
نشر ایتهمک زمانی کله‌مشدر . خلق بوطرر
نظری قبول ایتز . سنی دینسز لکه اتهام
ایدلر . سنی تکفیر ایدرلر . بو خلق حریته ،
اداره منروطیه‌یه هنوز لایق دکدر . بو خلقک
سویه‌ اداریک بویله یوکسک و صاعلام فکرله تحمل
ایده‌جک مرتبه‌ده دکدر . روز کارک اوکته
دوشمین آدم بورولور ، الح . الح .
بن ، دوزخ‌وسی ، بو مطالعه‌لری دائماً ،
حرمته غیرشایان ، خودکامانه بعض مرتبه
نفرت انکیز بولدم . بز صرهمی کلدیکجه
وبعضاً صرهمی کله‌سی بکله‌مکسزین عثمانی‌لرک
شجاعت و بسالتندن دم اورورز . شجاعت
وبسالت ، ظن ایدرز که آت اوزرنده سلاح
امورزده هجوم ویا مدافعه‌دن عبارتدر . بو
شجاعت و فضیلت حیوانانه‌ده ارزان ایدیلش
اولماقله قیمتی آرجوق آلامشدر .
عالی و بویوک شجاعت ، شجاعت
فکرده‌در . مثلاً باطل و یا عاقل و اعتقاد ، منسوب

اولدیفکر خلقی ، مدھش برسرطان کچي کیروب
بیتیریور ، خلق بویاطل و عاقل اعتقادنی بر نعمت
بی‌ها کچی حفظ و تقدیس ایدیور . الله سزه دها
منورین بر کوزوریمش . سز بوجامه ملعونه‌نی
کوریسورسکز . سز آرتق کندی نفسکزی
اونویسورسکز . صمدانی بر رأفت سزه
تماماً حاکم اولیور . سز بی‌رواغبیر یورسکز .
ای قوم بچ رفقه کجاید ؟ کجاید ؟
معشوفه درین اینجاست بیاید ! بیاید !
دیورسکز ، شاعر عجمک بو صیحه‌نی کافی
درجه‌ قوتده بولایورسکز عطشکز یانماقله ،
وسزی قاوروامقده دوام ایدیور . الریکنز ،
فداکارلرله طولو اولدینی حالدده خلقک حضور
ادرا کنه قوشیورسکز . اونلر سزک پارماقلر-
یکزی دوغرایورلر . سزی تلین ایدیورلر ،
تکفیر ایدیورلر « قاره قوت » بایرام یایور ،
سز کندی قانکزه بویامش قوللریکنزه حاکمانه
ورحیحانه بروضه ایله قالدیرراق
آزارسین ، ازرسین ای « قاره قوت »
ازمک فقط غالب اولماق دکدر ! دیهرک انفس
وفاق ایکنه‌تورسکز .
جان و کواکدن تعظیم و تقدیس ایتدیکم شجاعت
ایشته شجاعت منصورانه‌در . وتورکیامک
محتاج اولدینی شجاعت ، قهرمانلق بالخاصه
بونوع شجاعت ، بونوع قهرمانلقدر . تورکیامزی
وتورکیامزک عنصر جوهری اولان عنصر اسلامنی
ازن ، بونی قهرمانجه و بلا پروا سویله‌می‌در ،
دین‌نامه قبول و حفظ ایدیلش اولان افکار
وعادات عاطله و باطله‌در . اتقا واهل دین ،
شجاعت کوسترسین بوترلا مضر اولتردن
قورتاریلیدر . علم . . . ترقی و تصنی ایدیور ،
دین . . . تعالی و تکمیل ایتهمی‌لیدر . فضلی اسلامدن
عبدالله المأمون السهروردی « علم . خواصک
دینیدر . دین . . . عوامک علمیدر » دیوردی
(مع ازوله) ده بوفکری تکرار و تبیل
ایتشدر . خواصک علمی هر آن تعالی ، توسع ،
تنور ایدرکن عوامک علمی عصرلردن بری
یرنده صایماق ناصل دوغرو اولا بیلیر ؟ سز
(قربان . پاره‌لرینک دونانما اعانه‌سنه ویرلمی‌سی
لازم کلدیکنی و بونک پک اعلا جائز اولدینی
اجتهاد ایتدیکز . بو ، دین اسلامه بویوک بر خدمت
اعلا کار تشبیبی ایدی . « قاره قوت » ک هجومی
اوکنده رجعت ایتدیکز . وسکوت . . .
قاعتنکزک ممانت کافی‌یه هنوز مالک اولماقدینی
بورجعت کوسته‌ریر قساعت وجدانیه‌نک
قورشوندن ، خنچردن قورقاجانی یوقدر .
تکفیر ایدلکدن قورقابه نه حمل وارد ؟
« تکفیر ایدلک سنت سنهدر » دیه بیایرسکز
واضع اسلام ، سرور اهل هم (ص . ع)
آلنده نور هدی اولدینی حالدده کلدیکي وقت
سبحارقله ، کذا بقله ، شارلاناتقله اتهام
اولونماقدینی ؟ جهله و مناقیقنک ، تمام اون سنه ،
استخفافلری ، استحقارلری ، تزییفری ،
تکفیرلری آتنده فقط دائماً برکوش کچی ،
ضیا باش ، متوکل ، بی‌پروا ، برمرحت قلامدینی ؟
روحلدر مساعفه‌کارلق تلقین ایتک و دینی
اعلا ایتک مساعفه‌کار ومتدین اولانلرک اقدس
وظائفیدر . باشمزی دوشونهمه حقمن بوقدر :
بامید سرخود پای منهد ره عشق
کین درین مرحله سراختن اولقدمست .
بو موضوع ، نجه ، اک محصودلار ، واک
نجیب واصل بر موضوعدر . علم ایله دینک
داملاً آت باشی بیر کتیمه‌سی احتیاجنی کوسترمک
جسارتی اکتساب و اظهار ایتهمی‌ز : مساعفه
کارلق شماری اکتساب و تعمیم اولونماقدینجه
بومقصده وصول متعسردر :
محترم . برعلمک شوسوزیه : بوسطرلری
تتویج ایدم‌جکم .
« مساعفه و ایمان حر ملتره عینی درجه‌ده
مقتضی کورونور اعتقادنی انتخاب و اعتراف
ایتمکده سربست اولمایان آدم روخک یارینسی
ضایع ایدر »
۳ تشرین اول ۱۹۱۲
عبدالله جودت